

曾子家語

曾子家語敘

吾嘗讀南豐曾氏族譜載曾子裔孫漢關內侯據王莽亂始遷豫章是爲南遷諸曾之祖宋歐陽修氏固已疑之以爲據姓名不見於年表其世次久而難詳至於始封得姓亦或不真其說允矣然據雖不載正史自宋以前南遷諸曾固已奉爲不祧之祖矣昔二帝三王其先皆出於黃帝史遷所敘世次或多刺謬彼固親見世本諸書者而猶如此蓋年代荒遠載籍多缺疑事勿質未可定其是非也光緒庚寅之春

定安客金陵宮保戚毅伯曾公以明呂氏所爲宗聖志若干卷屬爲重刊定安披讀至再所述曾子言行頗多罅漏且不詳所本蓋沿明人臆斷錮習蕪雜不復成章因另撰宗聖志二十卷復以餘閒旁搜載籍得五萬餘言仿宋薛據孔子集語例編爲二十四篇謂之曾子集語既卒業呈宮保曾公公謂大戴記所錄曾子篇目名義複沓甚無謂爰併其十一篇爲六篇又芟唐以後書若干條萃爲十八篇以復班書藝文志之舊且曰吾衡陽湘鄉諸曾皆來自江右其爲

曾子苗裔與否不可考要其祖漢關內侯載諸往牒
子孫世守由來久矣今請名曰曾子家語可乎定安
唯之而無以易也昔孔子沒其子孫守其遺書藏之
家號曰家語秦昭王時孫卿入秦以孔子之語及諸
國事七十二弟子之言百餘篇獻之昭王始皇焚書
而孔子家語與諸子同列故不見滅於是漢孔安國
氏懼其久且湮也次爲四十四篇值巫蠱興未上其
後戴聖氏以曲禮不足乃取孔子家語裨益之總名
爲禮記而已見禮記者則除家語之本篇今世所傳

王肅本者或以爲僞託然其網羅舊聞何可廢也夫
書闕有間矣後之人於茫茫墜緒中掇佚補亡存什
一於千百苟有錄也皆足貴也況曾子爲孔門高第
書之存於今者至累牘而不已則以家語續孔子之
後又孰得謂之僭乎遂書此以爲序

光緒十六年歲在庚寅秋九月東湖王定安謹撰

曾子家語引用書目

禮記

漢鄭玄注

大戴禮

北周盧辯注

大學章句

宋朱熹著

孝經

唐玄宗注

孝經鉤命訣

孝經援神契

古文孝經述義

清劉炫著

論語

魏何晏集解

論語摘輔象

孟子

漢趙岐注

孟子外書

宋熙時子注

戰國策

漢高誘注

史記

漢司馬遷著宋裴駰集解唐司馬貞索隱張

守節正義

漢書

漢班固著唐顏師古注

後漢書

宋范曄著唐章懷太子注

宋書

梁沈約著

孔子家語

魏王肅注

孔叢子

漢孔鮒著

荀子

周荀況著唐楊倞注

尹子

周尸佼著

莊子

周莊周著晉郭象注

晏子春秋

齊晏平仲著

韓非子

周韓非著

呂氏春秋

秦呂不韋著漢高誘注

新語

漢陸賈著

春秋繁露

漢董仲舒著

韓詩外傳

漢韓嬰著

毛詩草木鳥獸蟲魚疏

晉陸璣著

淮南子

漢劉安著漢高誘注

水經注

漢桑欽著後魏酈道元注

鹽鐵論

漢桓寬著

新序

漢劉向著

說苑

漢劉向著

列女傳

漢劉向著

白虎通

漢班固著

潛夫論

漢王符著

中論

漢徐幹著

琴操

漢蔡邕著

論衡

漢王充著

伏侯古今注

漢伏無忌著

武梁祠畫像贊

牟子

漢牟融著

博物志

晉張華著

搜神記

晉干寶著

金樓子

梁元帝著

劉子

北齊劉晝著

顏氏家訓

北齊顏之推著

孝子傳

文選

梁蕭統著唐李善注

北堂書鈔

唐虞世南著

藝文類聚

唐歐陽詢著

初學記

唐徐堅著

太平御覽

宋李昉等著

玉海 宋王應麟著

困學紀聞 宋王應麟著

天中記 明陳耀文著

古微書 明孫穀輯注

會子家語引用書目

曾子家語目錄

卷一

大孝第一

至德要道第二

卷二

養老第三

慎終第四

大學第五

卷三

三省第六

立事第七

卷四

制言第八

全節第九

興仁第十

王言第十一

聞見第十二

卷五

弔喪第十三

禮問第十四

卷六

天圓第十五

吾友第十六

有疾第十七

雜說第十八

曾子家語凡例

一曾子一書漢書藝文志舊題十八篇繫之儒家
隋書經籍志題爲二卷又目一卷唐書藝文志
與隋志同均無傳本宋晁公武郡齋讀書志著
錄二卷十篇云卽唐本而高似孫子略稱其書
與大戴禮四十九至五十八等篇無異宋之汪
晫趙海鵬劉子澄章樵宋鳴梧明之曾承業戴
良等各有編錄

欽定四庫全書書目提要祇載汪晫所編一卷至明

曾承業所編三卷僅列之存目

國朝阮文達公注釋曾子卽大戴禮之十篇道光
中馮氏雲鵠刊有聖門十三種內存曾子書八
卷其前四卷仍是大戴之文至曾子之言行凡
見於經傳者作爲附錄補遺體例未合今自禮
記論語孟子以及正史雜史周秦漢魏六朝諸
子之書遇有曾子言行悉鈔綴之得十八篇以
還漢志之舊

一阮注曾子號曰精詳然注釋或採之近人此書

概用古注如禮問大學諸篇依漢鄭元注至德
要道篇依唐玄宗注王言立事諸篇依周尚書
右僕射盧辯注卷中引用孔子家語中文者依
魏王肅注至引用諸子百家中語仍擇其書中
注之最前者載之若各本無注可考者闕之
一搜採各書百有餘種不無彼此互見之處依平
津館所刊孔子集語例以書之在前者作正文
書之後出者附錄本條後低一格以別之文同
事同者祇下注某書同事同而文或小異者均

連類書之以資考證

一古書傳本各異茲從其最古者同一事也同一說也既見孔子家語又見說苑諸書固以一書作正文以諸書附後若同一事又同一書惟刻本小有異同則從其字句較善者而以他刻本中語附注於本條之內隔一圈曰某作某以識之

一古人讀書經緯並重故孝經鉤命訣援神契及論語摘輔象諸書俱採入

一書旣繫以曾子孔顏思孟之言與曾子無涉者
不錄卽曾皙曾元曾申之事亦姑舍旃至祠墓
古蹟列朝封贈曾氏世系因同時修纂宗聖志
故略此而詳彼

一所搜載籍以周秦訖六朝爲斷唐以後不錄惟
古書所無之事或見於北堂書鈔藝文類聚白
帖初學記太平御覽玉海困學紀聞暨宋元諸
家所引者間登一二以補前人載籍所未備
一書果出自唐以前雖有新奇怪誕之說亦所必

錄

一向來著錄家載曾子書多本大戴記十篇茲合
大孝事父母立孝本孝四篇爲一篇以所語皆
孝道也制言上中下三篇爲一篇以所語皆制
事也立事王言天圓仍各爲一篇疾病則先以
論語禮記從其類也凡大戴記十一篇僅併爲
六篇孝經大學曾子問三篇皆錄全文孝經未
宜名篇則以至德要道冠之曾子問未便獨標
曾子則以禮問該之大學用禮記古本而以朱

子章句埶之此外養老慎終三省全節與仁聞
見弔喪吾友雜說九篇皆雜採經史子集依古
例以首章二字名篇雖或不免於臆斷要之言
以類萃俾讀者犁然不淆云

東湖王定安鼎丞氏又記

曾子家語凡例

曾子家語卷一目錄

大孝第一

至德要道第二

曾子家語卷一目錄

江陵魏煦培襄校

曾子家語卷一

光祿大夫 太子太保兩江總督兼理鹽政一等威毅伯曾國荃審訂

通奉大夫前山西冀甯水利驛傳道署山西布政使王定安編輯

大孝第一

合大戴禮大孝事父母本孝立孝爲一篇周尚書盧辯注

曾子曰孝有三大孝尊親其次不辱其下能養公明

儀問於曾子曰夫子可謂孝乎

公明儀曾子弟子

曾子曰是

何言與是何言與君子之所謂孝者先意承志諭父

母以道

凡言於事親未意則先善舉之親若有志則承而奉之○案正文以字宋本曾子引此作

於參直養者也安能爲孝乎

身者親之遺體也行親之遺體敢不敬乎故居處不

莊非孝也事君不忠非孝也莅官不敬非孝也朋友

不信非孝也戰陳無勇非孝也五者不遂災及乎身

身一作親敢不敬乎故烹熟鮮香鮮一作羶嘗而進之非孝也

養也君子之所謂孝者國人皆稱願焉曰幸哉有子

如此所謂孝也民之本教曰孝其行之曰養謂致衣食省安

否養可能也敬爲難敬可能也安爲難以忠禮將也安可

能也久爲難久可能也卒爲難父母旣歿慎行其身

慎一作順不遺父母惡名可謂能終也謂能卒也夫仁者仁此

者也義者宜此者也忠者中此者也信者信此者也
禮者體此者也行者行此者也彊者彊此者也樂自
順此生刑自反此作

夫孝者天下之大經也夫孝置之而塞於天地衡之

而衡於四海

置猶立也
衡猶橫也

施諸後世而無朝夕

言常
行也推

而放諸東海而準推而放諸西海而準推而放諸南

海而準推而放諸北海而準

九夷八蠻七戎六狄謂
之四海放猶至也準猶

平

也詩云自西自東自南自北此之謂也

大雅文王有
聲之六章也

孝有三大孝不匱

詩云孝子不匱
永錫爾類也

中孝用勞

勞猶小
功也

孝用力博施備物可謂不匱矣尊仁安義可謂用勞
矣慈愛忘勞可謂用力矣父母愛之喜而不忘父母
惡之懼而無怨父母有過諫而不逆

當柔聲下氣也

父母既

歿以哀祀之加之如此謂禮終矣

哀謂服之三年祀謂春秋享之

樂正子春下堂而傷其足傷瘳數月不出猶有憂色
門弟子問曰夫子之足瘳矣數月不出猶有憂色何
也樂正子春曰善如爾之問也吾聞之曾子曾子聞
諸夫子曰天之所生地之所養人爲大矣父母全而
生之子全而歸之可謂孝矣

孝經曰天地之性人爲貴人之行莫大於孝也

不虧其體可謂全矣故君子頃步之不敢忘也

陸當聲誤

頃爲今予忘夫孝之道矣予是以有憂色故君子一舉

足不敢忘父母一出言不敢忘父母一舉足不敢忘

父母故道而不徑

不由徑也

舟而不游不敢以先父母之

遺體行殆也

殆危也

一出言不敢忘父母是故惡言不

出於口忿言不及於已然后不辱其身不憂其親則

可謂孝矣草木以時伐焉禽獸以時殺焉夫子曰伐

一木殺一獸不以其時非孝也

夫子孔子

右大戴禮曾子大孝

禮記祭義曾子曰孝有三大孝尊親其次弗辱其下能養公明儀問於曾子曰夫子可以爲孝乎曾子曰是何言與是何言與君子之所謂孝者先意承志諭父母於道參直養者也安能爲孝乎曾子曰身也者父母之遺體也行父母之遺體敢不敬乎居處不莊非孝也事君不忠非孝也泣官不敬非孝也朋友不信非孝也戰陣無勇非孝也五者不遂哉及於親敢不敬乎亨孰羶薌嘗而薦之非孝也養也君子之所謂孝也者國人稱願然曰

幸哉有子如此所謂孝也已眾之本教曰孝其行
曰養養可能也敬爲難敬可能也安爲難安可能
也卒爲難父母旣歿慎行其身不遺父母惡名可
謂能終矣仁者仁此者也禮者履此者也義者宜
此者也信者信此者也強者強此者也樂自順此
生刑自反此作 曾子曰夫孝置之而塞乎天地
溥之而橫乎四海施諸後世而無朝夕推而放諸
東海而準推而放諸西海而準推而放諸南海而
準推而放諸北海而準詩云自西自東自南自北

無思不服此之謂也 曾子曰樹木以時伐焉禽
獸以時殺焉夫子曰斷一樹殺一獸不以其時非
孝也 孝有三小孝用力中孝用勞大孝不匱思
慈愛忘勞可謂用力矣尊仁安義可謂用勞矣博
施備物可謂不匱矣父母愛之喜而弗忘父母惡
之懼而無怨父母有過諫而不逆父母既歿必求
仁者之粟以祀之此之謂禮終 樂正子春下堂
而傷其足數月不出猶有憂色門弟子曰夫子之
足瘳矣數月不出猶有憂色何也樂正子春曰善

如爾之問也善如爾之問也吾聞諸曾子曾子聞
諸夫子曰天之所生地之所養無人爲大父母全
而生之子全而歸之可謂孝矣不虧其體不辱其
身可謂全矣故君子頃步而弗敢忘孝也今予忘
孝之道予是以有憂色也壹舉足而不敢忘父母
壹出言而不敢忘父母壹舉足而不敢忘父母是
故道而不徑舟而不游不敢以先父母之遺體行
殆壹出言而不敢忘父母是故惡言不出於口忿
言不反於身不辱其身不羞其親可謂孝矣

○藝文類

聚引祭義二條太平御覽引祭義三條並同

呂氏春秋孝行覽曾子曰身者父母之遺體也行
父母之遺體敢不敬乎居處不莊非孝也事君不
忠非孝也蒞官不敬非孝也朋友不篤非孝也戰
陣無勇非孝也五者不遂災及乎親敢不敬乎商
書曰刑三百罪莫重於不孝○按大小戴記皆無
商書曰云云然觀刑
自反此作則
此語空有也樂正子春下堂而傷足瘳而數月
不出猶有憂色門人問之曰夫子下堂而傷足瘳
而數月不出猶有憂色敢問其故樂正子春曰善

乎而問之吾聞之曾子曾子聞之仲尼父母全而生之子全而歸之不虧其身不損其形可謂孝矣君子無行咫尺而忘之余忘孝道是以憂民之本教曰孝其行孝曰養養可能也敬爲難敬可能也安爲難安可能也卒爲難父母旣歿敬行其身無遺父母惡名可謂能終矣禮者履此者也義者宜此者也信者信此者也彊者彊此者也樂自順此生也刑自逆此作也

單居離問於曾子曰事父母有道乎

單居離曾子弟子也曾子

曰有愛而敬父母之行若中道則從若不中道則諫

諫而不用行之如由己

且俯從所行而思諫道也

從而不諫非孝

也

同父母之非不匡諫

諫而不從亦非孝也

徒以義諫而行不從

孝子之

諫達善而不敢爭辨爭辨者作亂之所由興也

內則曰父

母有過下氣怡色柔聲以諫諫若不入起敬起孝說則復諫

由己爲無咎則寧

謂順

諫

由己爲賢人則亂

謂爭辨賢與無咎互相足

孝子無私樂父母

所憂憂之父母所樂樂之孝子唯巧變故父母安之

若夫坐如尸立如齊弗訊不言

齊謂祭祀時訊問也

言必齊色

嚴敬其色

此成人之善者也未得爲人子之道也

爲人父之事

單居離問曰事兄有道乎曾子曰有尊事之以爲己

望也

謂儀象也

兄事之不遺其言

奉其所令

兄之行若中道則

兄事之兄之行若不中道則養之

養猶隱之

養之內不養

於外則是越之也養之外不養於內則是疏之也是故君子內外養之也

單居離問曰使弟有道乎曾子曰有嘉事不失時也

謂冠娶也

弟之行若中道則正以使之

正以使之弟道

弟之行

若不中道則兄事之

且以兄禮敬之

誄事兄之道若不可然

后舍之矣

屈事兄之道猶不變則怒罰之

曾子曰夫禮大之由也不與小之自也

言大者得自由也

飲

食以齒

以長幼也

力事不讓辱事不齒執觴觚杯豆而不

醉和歌而不哀

觚器也實之曰觴杯盤盞盆盞之總名也豆醬器以木曰豆以瓦曰登○

案盧見會云舊本作以木曰登係脫誤

夫弟者不衡坐不苟越不干逆

色趨翔周旋俛仰從命不見於顏色未成於弟也

右大戴禮會子事父母

曾子曰忠者其孝之本與孝子不登高不履危

敬父母之

遺體故跬步未敢忘其親

庫亦弗憑不苟笑不苟訾隱不命

人有隱僻

不許臨不指凡居上不為惑眾

故不在尤之中也孝子惡言

死焉

死且不行

流言止焉美言興焉故惡言不出於口煩

言不及於己故孝子之事親也居易以俟命

處安易之道以

聽命也

不興險行以徼幸孝子游之暴人違之

就其常也春秋

左傳曰其○案盧見會云注有脫文

出門而使不以或為父母憂也

為不

事或貽憂於父母也

險塗隘巷不求先焉以愛其身以不敢忘

其親也

身者親之枝也可不敬乎

孝子之使人也不敢肆行不敢自尊也父死三年不

敢改父之道

故曰三年無改於父之道可謂孝矣

又能事父之朋友又

能率朋友以助敬也

使敬其父母也

君子之孝也以正致諫謂卿大夫士之孝也以德從命庶

人之孝也以力惡食分地任力任善不敢臣三德謂

者之孝三德三老也白虎通曰不臣三老崇孝故孝○案疑脫子字之於親也生則

有義以輔之喻於死則哀以莅焉莅祭祭祀則莅之以

敬如此而成於孝子也

右大戴禮
曾子本孝

曾子曰君子立孝其忠之用禮之貴有忠與禮故為

人子而不能孝其父者不敢言人父不能畜其子者

為人弟而不能承其兄者不敢言人兄不能訓其弟

者爲人臣而不能事其君者不敢言人君不能使其

臣者也

不可以己能而責人之不能況以所不能

故與父言言畜子與子

言言孝父與兄言言訓弟與弟言言承兄與君言言

使臣與臣言言事君

士相見禮曰與君言言使臣與大夫言言事君與老者言言使

弟子與幼者言言孝父兄與眾言言慈祥與蒞官者言言忠信也

君子之孝也忠愛

以敬反是亂也

盡力而有禮莊敬而安之微諫不倦聽從而不怠懼

欣忠信咎故不生可謂孝矣盡力無禮則小人也

豈小

人而已哉乃犬馬之養

致敬而不忠則不入也是故禮以將其

力敬以入其忠飲食移味

隨所欲也

居處溫愉著心於此

濟其志也

子曰可人也吾任其過

吾知其能自取過

不可人也吾辭其

罪詩云有子七人莫慰母心子之辭也

衛詩凱風之末章也七子

自責任過之辭

夙興夜寐無忝爾所生言不自舍也

小雅小菀之四

章也申可以人之義也○案盧見曾云正文可人不

可人兩人字疑皆是入字之譌此注可以人亦當作

入觀上文致敬而不忠則不入云云明是入字無疑

不恥其親君子之孝也是

故未有君而忠臣可知者孝子之謂也未有長而順

下可知者弟弟之謂也

孝經曰以孝事君則忠以敬事長則順

未有治

而能仕可知者先修之謂也故曰孝子善事君弟弟
善事長君子一孝一弟可謂知終矣

右大戴禮
曾子立孝

至德要道第二

孝經全文
唐玄宗註

仲尼居

仲尼孔子
居謂閒居

曾子侍

曾子孔子弟
子侍謂侍坐

子曰先王有

至德要道以順天下民用和睦上下無怨

孝者德之
至道之要

也言先代聖德之王能順天下人心行
此至要之化則上下臣人和睦無怨

汝知之乎曾

子避席曰參不敏何足以知之

參曾子名也禮師有
問避席起答敏達也

言參不達何足
知此至要之義子曰夫孝德之本也

人之行莫大於
孝故為德本

曾子家語

卷一

十

教之所由生也

言教從孝而生

復坐吾語女

曾參起對故使復坐

身體

髮膚受之父母不敢毀傷孝之始也

父母全而生之已當全而歸之

故不敢毀傷

立身行道揚名於後世以顯父母孝之終也

言能立身行此孝道自然名揚後世光顯其親故行孝以不毀為先揚名為後

夫孝始於事

親中於事君終於立身

言行孝以事親為始事君為中忠孝道著乃能揚名榮親

故曰終於立身也

大雅云無念爾祖聿脩厥德

詩大雅也無念念也聿述

也厥其也義取恆念先祖述脩其德

右開宗明義章第一

子曰愛親者不敢惡於人

博愛也

敬親者不敢慢於人

廣敬也 愛敬盡於事親而德教加於百姓刑於四海刑法

也君行博愛廣敬之道使人皆不慢惡其親則德教加被天下當為四夷之所法則也 蓋天子

之孝也蓋猶略也孝道甫刑云一人有慶兆民賴之

甫刑即尚書呂刑也一人天子也慶善也十億曰兆義取天子行孝兆人皆賴其善

右天子章第二

在上不驕高而不危諸侯列國之君貴在人上可制謂高矣而能不驕則免危也制

節謹度滿而不溢費用約儉謂之節制慎行禮法謂之謹度無禮為驕奢泰為溢高

而不危所以長守貴也滿而不溢所以長守富也富

貴不離其身然後能保其社稷而和其民人列國皆有社稷

其君主而祭之言富貴常在其身則常為社稷之主而人自和平也蓋諸侯之孝也詩

云戰戰兢兢如臨深淵如履薄冰戰戰恐懼兢兢戒慎臨深恐墜履薄

恐陷義取為君恆須戒懼

右諸侯章第三

非先王之法服不敢服服者身之表也先王制五服各有等差言卿大夫遵守禮

法不敢僭上偏下非先王之法言不敢道非先王之德行不

敢行法言謂禮法之言德行謂道德之行若言非法行非德則虧孝道故不敢也是故非

法不言非道不行言必守法行必遵道口無擇言身無擇行言

皆遵法道所以無可擇也言滿天下無口過行滿天下無怨惡禮法

之言焉有口過道三者備矣然後能守其宗廟三者德之行自無怨惡三者備矣然後能守其宗廟三者能備此三者則能長守宗廟之祀蓋卿大夫之孝也詩云夙夜匪懈以事一人夙早也懈惰也義取為卿大夫能早夜不惰敬

事其君也

右卿大夫章第四

資於事父以事母而愛同資於事父以事君而敬同資取也言愛父與母同敬父與君同故母取其愛而君取其敬兼之者父也言事父兼愛與敬也故以孝事君則忠移事父孝以事於君則為忠矣敬事長則順移事兄敬以事於長則為順矣忠順不失以事其上然

後能保其祿位而守其祭祀

能盡忠順以事君長則常安祿位永守祭祀

蓋士之孝也詩云夙興夜寐無忝爾所生

忝辱也所生謂父母

也義取早起夜寐無辱其親也

右士章

第五

用天之道

春生夏長秋斂冬藏舉事順時此用天道也

分地之利

分別五

高下各盡所宜此分地利也

謹身節用以養父母

身恭謹則遠恥辱用節省則免

饑寒公賦既充則私養不闕

此庶人之孝也

庶人爲孝唯此而已

故自天子

至於庶人孝無終始而患不及者未之有也

始自天子終於

庶人尊卑雖殊孝道同致而患不及者未之有也言無此理故曰未有

右庶人
章第六

曾子曰甚哉孝之大也

參聞行孝無限高卑始知孝之為大也

子曰夫

孝天之經也地之義也民之行也

經常也利物為義孝為百行之首人

之常德若三辰運天而有常五土分地而為義也

天地之經而民是則之有

常明地有常利言人法則天地亦以孝為常行也

則天之明因地之利以順

天下是以其教不肅而成其政不嚴而治

法天明以為常因地

利以行義順此以施政教則不待嚴肅而成理也

先王見教之可以化民也

見因天地教

是故先之以博愛而民莫遺其親

君愛其親

則人化之易也

陳之以德義而民興行

陳說德義之美為眾所慕則人

起心而行之

先之以敬讓而民不爭

君行敬讓則人化而不爭

導之以

禮樂而民和睦

禮以檢其迹樂以正其心則和睦矣

示之以好惡而民

知禁

示好以引之示惡以止之則人知有禁令不敢犯也

詩云赫赫師尹民具

爾瞻

赫赫明盛貌也尹氏為太師周之三公也義取大臣助君行化人皆瞻之也

右三才章第七

子曰昔者明王之以孝治天下也

言先代聖明之王以至德要道化人

是為

孝理不敢遺小國之臣而況於公侯伯子男乎

小國之臣

至卑者耳王尚接之以禮況於五等諸侯是廣敬也

故得萬國之懽心以事其

先王

萬國舉其多也言行孝道以理天下皆得懽心則各以其職來助祭也

治國者不

敢侮於鰥寡而況於士民乎

理國謂諸侯也鰥寡國之微者君尚不敢輕侮

況知禮義之士乎

故得百姓之懽心以事其先君

諸侯能行孝理得所

統之懽心則皆恭事助其祭享也

治家者不敢失於臣妾而況於妻

子乎

理家謂卿大夫臣妾家之貴者故得人之懽心以事其

親

卿大夫位以材進受祿養親若能孝理其家則得小大之懽心助其奉養

夫然故生則

親安之祭則鬼享之

夫然者上孝理皆得懽心則存安其榮歿享其祭

是以

天下和平災害不生禍亂不作

上敬下懽存安歿享人用和睦以致太平

則災害禍亂無因而起

故明王之以孝治天下也如此

言明王以孝為

理則諸侯以下化而行之故致如

福應詩云有覺德行四國順之

也義

取天子有大德行之則四方之國順而行之

右孝治章第八

曾子曰敢問聖人之德無以加於孝乎

參問明王孝理以致和平

又問聖人德教

子曰天地之性人為貴

貴其異於萬物也

更有大於孝不

之行莫大於孝

孝者德之本也

為天故孝行之大

嚴父莫大於配天則周公其人也

萬物資始於乾人倫資父

莫過尊嚴其父也

謂父為天雖無貴賤然以父配

天之禮始自周公故曰其人也

以配天

后稷周之始祖也郊謂園丘祀天也周公攝政因行郊天之祭乃尊始祖以配之也

祀文王於明堂以配上帝

明堂天子布政之宮也周公因祀五方上帝於明堂

乃尊文王是以四海之內各以其職來祭君行嚴配

教刑於四海海內諸侯各修其職來助祭也夫聖人之德又何以加於孝

乎言無大故親生之膝下以養父母日嚴親猶愛也

幼之時也言親愛之心生於孩幼比及年長聖人因

嚴以教敬因親以教愛聖人因其親嚴之心教以愛

庭以教敬也抑搔癢痛聖人之教不肅而成其政不

嚴而治聖人順羣心以行愛敬制禮則以其所因者

本也本謂父子之道天性也君臣之義也父子之道

加以尊嚴又父母生之續莫大焉父母生子傳體相

有君臣之義父母生之續莫大焉續人倫之道莫大

於君親臨之厚莫重焉

謂父爲君以臨於己故不愛

其親而愛他人者謂之悖德不敬其親而敬他人者

謂之悖禮

言盡愛敬之道然後施教於人達此則於德禮爲悖也

以順則逆民

無則焉

行教以順人心今自逆之則下無所法則也

不在於善而皆在於

凶德

善謂身行愛敬也凶謂悖其德禮也

雖得之君子不貴也

言悖其德禮雖

得志於人上君

君子則不然

不悖德禮也

言思可道行思

可樂

思可道而後言人必信也思可樂而後行人必悅也

德義可尊作事可法

立德行義不違道正故可尊也

容止可觀進退可度

容止威儀也必合規矩則可觀也

進退勤靜也不越禮法則可度也

以其

民畏而愛之則而象之

君行六事臨撫其人則下畏其威愛其德皆放象於君也

故能成其德教而行其政令

上正身以率下下順上而法之則德教成政令

也詩云淑人君子其儀不忒

淑善忒差也義取君子威儀不差為人法則

右聖治章第九

子曰孝子之事親也居則致其敬

平居必盡其敬養則致其

樂

就養能致其懽

病則致其憂

色不滿容行不正履

喪則致其哀

辨踊哭泣

盡其哀情

祭則致其嚴

齋戒沐浴明發不寐

五者備矣然後能事親

五者闕一事則未為能

事親者居上不驕

當莊敬以臨下也

為下不亂

恭

謹以奉上也

在醜不爭

醜眾也爭競也當和順以從眾也

居上而驕則亡

為下而亂則刑在醜而爭則兵謂以兵及相加三者不除雖

日用三牲之養猶為不孝也三牲太牢也孝以不毀為先言上三事皆可亡

身而不除之雖日致太牢之養固非孝也

右紀孝行章第十

子曰五刑之屬三千而罪莫大於不孝五刑謂墨劓剕宮大辟也

條有三千而罪之大者莫過不孝要君者無上君者臣之稟命也而敢要之是無上也

非聖人者無法聖人制作禮樂而敢非之是無法也非孝者無親善事父母

為孝而敢非之是無親也此大亂之道也言人有上三惡豈唯不孝乃是大亂之道

右五刑章第十一

子曰教民親愛莫善於孝教民禮順莫善於悌

言教人親

愛禮順無加於孝悌也

移風易俗莫善於樂

風俗移易先入樂聲變隨人心正由

君德正之與變因樂而彰故曰莫善於樂

安上治民莫善於禮

禮所以正君臣父子

之別明男女長幼之序故可以安上化下也

禮者敬而已矣

敬者禮之本也故敬

其父則子悅敬其兄則弟悅敬其君則臣悅敬一人

則千萬人悅

居上敬下盡得懼心故曰悅也

所敬者寡而悅者眾此

之謂要道也

右廣要道章第十二

子曰君子之教以孝也非家至而日見之也

言教不必家到

戶至日見而語之但行教以孝所以敬天下之為人

父者也教以悌所以敬天下之為人兄者也舉孝悌以爲教

則天下之爲人子弟教以臣所以敬天下之爲人君

者也舉臣道以爲教則天下之爲人臣者無不敬其君也詩云愷悌君子民之

父母愷樂也悌易也義取君以樂易之道化人則爲天下蒼生之父母也非至德其孰

能順民如此其大者乎

右廣至德

章第十三

子曰君子之事親孝故忠可移於君以孝事君則忠事兄悌

故順可移於長以敬事長則順居家理故治可移於官君子所居

則化故可移於官也是以行成於內而名立於後世矣脩上三德於內

名自傳於後代

右廣揚名章第十四

曾子曰若夫慈愛恭敬安親揚名則聞命矣敢問子

從父之令可謂孝乎事父有隱無犯又敬不違故疑而問之子曰是何

言與是何言與有非而從成父不義理所不可故再言之昔者天子有爭

臣七人雖無道不失其天下諸侯有爭臣五人雖無

道不失其國大夫有爭臣三人雖無道不失其家降殺

以兩尊卑之差爭謂諫也言雖無道為士有爭友則有爭臣則終不至失天下亡家國也

身不離於令名

令善也益者三友言受忠告故不失其善名

父有爭子則

身不陷於不義

父失則諫故免陷於不義

故當不義則子不可以

不爭於父臣不可以不爭於君

不爭則非忠孝

故當不義則

爭之從父之令又焉得爲孝乎

右諫爭章第十五

子曰昔者明王事父孝故事天明事母孝故事地察

王者父事天母事地言能敬事宗廟則事天地能明察也

長幼順故上下治

君能尊諸

父先諸兄則長幼之道順君人之化理

天地明察神明彰矣

事天地能明察則神

威至誠而降福佑故曰彰也

故雖天子必有尊也言有父也必有

先也言有兄也

父謂諸父兄謂諸兄皆祖考之肩也禮君燕族人與父兄齒也

宗廟

致敬不忘親也

言能敬事宗廟則不敢忘其親也

脩身慎行恐辱先

也

天子雖無上於天下猶脩持其身謹慎其行恐辱先祖而毀盛業也

宗廟致敬鬼神

著矣

事宗廟能盡敬則祖考來格享於克誠故曰著也

孝悌之至通於神明

光於四海無所不通

能敬宗廟順長幼以極孝悌之心則至性通於神明光於四海

故曰無所不通

詩云自西自東自南自北無思不服

義取流行莫不

服義從化也

右應感章

第十六

子曰君子之事上也

上謂君也

進思進忠

進見於君則思盡忠節

退

思補過

君有過失則思補益

將順其美

將行也君有美善則順而行之

匡救其

惡

匡正也救止也君有過惡則正而止之

故上下能相親也

上下以忠事上以義

接下君臣同德故能相親

詩云心乎愛矣遐不謂矣中心藏之何

日忘之

遐遠也義取臣心愛君雖離左右不謂為遠愛君之志恆藏心中無日暫忘也

右事君章第十七

子曰孝子之喪親也

生事已畢死事未見故發此事

哭不偯

氣竭而息聲不

委曲禮無容

觸地無容

言不文

不為文飾

服美不安

不安美飾故服縗麻聞

樂不樂

悲哀在心故不樂也

食旨不甘

旨美也不甘美味故蔬食水飲

此哀戚

之情也

謂上六句

三日而食教民無以死傷生毀不滅性

此聖人之政也

不食三日哀毀過情滅性而死皆虧孝道故聖人制禮施教不令至於殞

滅

喪不過三年示民有終也

三年之喪天下達禮使不肖企及賢者俯從夫

孝子有終身之憂聖人以三年為制者使人知有終竟之限也

為之棺槨衣衾而舉

之周尸為棺周棺為槨衣謂斂衣衾被也舉謂舉屍內於棺也

陳其簠簋而哀感

之簠簋祭器也陳奠素器而不見親故哀感也

擗踊哭泣哀以送之

男踊女擗

祖載卜其宅兆而安措之

宅墓穴也兆塋域也葬事大故卜之

為之宗

廟以鬼享之

立廟祔祖之後則以鬼禮享之

春秋祭祀以時思之

暑

變移益用增感以時祭祀展其孝思也

生事愛敬死事哀感生民之本

盡矣死生之義備矣孝子之事親終矣

愛敬哀感孝行之始終也

備陳死生之義
以盡孝子之情

右喪親章
第十八

孝經鉤命訣 孝經者篇題就號也所以表指括意
序中書名出義見道日著一字包十八章爲天地
喉襟道要德本故挺以題符篇冠就會子撰斯問
曰孝乎文駁不同何子曰吾作孝經以素王無爵
祿之賞斧鉞之誅故稱明王之道曾子避席復坐
子曰居吾與女順孫以災禍與先王以託權日至
德要道以題行首仲尼以立情性言子曰以開號

列曾子示撰輔書詩以合謀

○太平御覽孔子集語古微書引並同

鉤命訣丘以春秋屬商以孝經屬參

○公羊傳隱元年疏引同

孝經援神契孔子作春秋制孝經既成使七十二

弟子向北辰罄折而立使曾子抱河洛事北向孔

子齋戒簪縹筆衣絳單衣向北辰而拜告備於天

曰孝經四卷春秋河洛凡八十一卷謹已備天乃

洪鬱起白霧摩地赤虹自上下化為黃玉長三尺

上有刻文孔子跪受而讀之曰寶文出劉季握卯

金刀在軫北字禾子天下服

○搜神記宋書符瑞志北堂書鈔古微書

引略
同

春秋繁露五行對河間獻王問溫城董君曰孝經
曰夫孝天之經地之義何謂也對曰天有五行木
火土金水是也木生火火生土土生金金生水水
爲冬金爲秋土爲季夏火爲夏木爲春春主生夏
主長季夏主養秋主收冬主藏是故父之所生其
子長之父之所長其子養之父之所養其子成之
諸父所爲其子皆奉承而續行之不敢不致如父
之意盡爲人之道也由此觀之父授之子受之乃

天之道也故曰天之經也王曰善哉願聞地之義
對曰地出雲爲雨起氣爲風地不敢有其功名必
上之於天命故曰天風天雨也莫曰地風地雨也
動勞在地名一歸於天非至有義其孰能行此故
下事上如地事天也可謂大忠矣土者火之子也
五行莫貴乎土土之於四時無所命者不與火分
功名木名春火名夏金名秋水名冬忠臣之義孝
子之行取之土土者五行最貴者也其義不可以
加矣五聲莫貴乎宮五味莫貴乎甘五色莫貴乎

黃此謂孝者地之義也王曰善哉

漢書藝文志孝經者孔子爲曾子陳孝道也夫孝天之經地之義民之行也舉大者言故曰孝經

曾子家語卷一

江陵魏煦培襄校